

Sarajevo, **18-03-2020**

Broj: **01-04-4-14437**

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 10-33-4-14410 od 18.3.2020. godine, Generalna direktorica donosi:

ODLUKU

**o izboru najpovoljnijeg ponuđača
za nabavku višeslojnog CT aparata za potrebe privremenog Izolatorija-dijagnostika pacijenata koji boluju od zarazne bolesti izazvane koronavirusom (COVID – 19)**

I

Prihvata se prijedlog Komisije za nabavku višeslojnog CT aparata za potrebe privremenog Izolatorija-dijagnostika pacijenata koji boluju od zarazne bolesti izazvane koronavirusom (COVID – 19), po Izvještaju br. 10-33-4-14410 od 18.03.2020. godine, nakon provedenog pregovaračkog postupka bez objave obavještenja u skladu sa čl. 21./d) i člana 28. ZJN (Sl. glasnik BiH br. 39/14) i ugovor dodjeljuje dobavljaču:

- **MEDIT d.o.o. Sarajevo**

višeslojni CT aparata (1 kom) – CANON-AQUILION LIGHTNING za potrebe privremenog izolatorija KCUS-a

Ukupna vrijednost: 498.022,87 KM + PDV 84.663,89 KM = 582.686,76 KM sa PDV-om

Garancija: 12 mjeseci

Uslovi plaćanja: 30% avans ostatak u roku 45 dana od potpisivanja zapisnika o primopredaji i ispostavljanju računa

Rok isporuke: 7 (sedam) dana od dana potpisivanja ugovora, izdavanja narudžbenice i uplate avansa

Rok montaže i puštanje u rad: 7 (sedam) dana

Edukacija: 3 dana

II

Ova Odluka stupa na snagu danom donošenja i bit će objavljena na web stranici KCUS-a putem web stranice Kantona Sarajevo istovremeno sa dostavljanjem ponuđaču učesniku postupka javne nabavke.

O B R A Z L O Ž E N J E

Budući da je Svjetska zdravstvena organizacija WHO proglasila pandemiju koronavirusom (COVID – 19), u cilju poduzimanja najviših mjera zaštite stanovništva i na način sprječavanja, ranog otkrivanja i liječenja osoba zaraženih koronavirusom, neophodno je izvršiti hitnu nabavku opreme za potrebe privremenog izolatorija smještenog u prostoru Klinike za bolesti pluća i tuberkulozu „Podhrastovi“.

Prema potrebama za privremeni Izolatorij, a u skladu sa Odluka UO broj 526/20 protokol br. 04-2-13531/20 o izmjenama i dopunama Privremenog plana javnih nabavki Kliničkog centra Univerziteta u Sarajevu za 2020 godinu, Tehnički sektor se Generalnoj direktorici obratio zahtjevom za saglasnost radi pokretanja postupka javne nabavke putem pregovaračkog postupka bez objave obavještenja. Predmet postupka je nabavka višeslojnog CT aparata za potrebe privremenog Izolatorija-dijagnostika pacijenata koji boluju od zarazne bolesti izazvane koronavirusom (COVID – 19). Izvor sredstava su vlastita sredstva uz obavezu obraćanja KMZ, ZOO KS i FMZ za refundaciju sredstava.

Hitni pregovarački postupak bez objave obavještenja u skladu sa čl. 21./d) i člana 28. ZJN (Sl. Glasnik BiH broj: 39/14) za „Nabavku višeslojnog CT aparata za potrebe privremenog Izolatorija-dijagnostika pacijenata koji boluju od zarazne bolesti izazvane koronavirusom (COVID – 19)“ pokrenut je u skladu sa Odlukom broj: 01-04-4-13849 od 16.03.2020. godine. Odluka o pokretanju postupka i poziv za pregovarački postupak objavljeni su na web stranici KCUS-a u skladu sa čl. 28. / (4) ZJN).

Obnovi i Mlad

Na osnovu Poziva za dostavljanje ponude i Tenderske dokumentacije, Komisija imenovana za provođenje postupka br.01-04-4-13847 od 16.03.2020. godine je pristupila provjeri dostavljene dokumentacije i konstatovala da je ponuda dostavljena u skladu sa zahtjevima definisanim Tenderskom dokumentacijom i da je u potpunosti formalno, pravno, suštinske i tehnički zadovoljavajuća, te je **prihvatljiva** i može se pristupiti pregovaranju u cilju postizanja povoljnijih uslova.
Pristupilo se pregovorima sa ovlaštenim predstavnikom ponuđača, te su definisani cijena robe, rok isporuke i način plaćanja.

Ponuđač je u ponudi br. 10-33-4-14066 od 17.03.2020.godine dostavio:

- Ukupnu cijenu u iznosu od 498.022,87 KM bez PDV-a
- Garancija: 12 mjeseci od dana puštanja sistema u rad tj potpisivanja primopredaje protokola
- Uslovi plaćanja: 40% avans ostatak od 60% nakon instalacije i puštanja sistema u rad tj nakon potpisivanja primopredaje protokola
- Rok isporuke: 7 (sedam) dana od dana potpisivanja ugovora i uplate avansa
- Rok montaže i puštanje u rad: 7 (sedam) dana
- Edukacija: 3 dana

Na prijedlog Komisije da se učini ustupak u finansijskom smislu, odnosno da ponudu učini povoljnijom, predstavnik ponuđača je pojasnio da je dostavljena ponuda sadrži cijenu koja je konačna, jer je ponuđeni aparat ima bolje tehničke karakteristike od traženih, te da nisu u mogućnosti ponudu učiniti finansijski povoljnijom.

Vežano za plaćanje sa uslovima avans 40 %, ponuđač je učinio ustupak umanjivši zahtjev na 30% avansne uplate, a za ostatak od 60% nakon instalacije i puštanja sistema u rad tj. nakon potpisivanja primopredaje protokola, pristao je učiniti ustupak na plaćanje u roku 45 dana nakon instalacije i puštanja sistema u rad tj. nakon potpisivanja primopredaje protokola.

Radi hitnosti nabavke i uvoznih dažbina koje dobavljač odmah mora uplatiti, Komisija je tražila i dobila saglasnost za prihvatanje uslova plaćanja avans 30% i ostatak u roku 45 dana po ispostavljanju računa.

Prema Izvještaju br. 10-33-4-14410 od 18.3.2020.godine Komisija je jednoglasno dala prijedlog Ugovornom organu, da se za **nabavku višeslojnog CT aparata za potrebe privremenog Izolatorija-dijagnostika pacijenata koji boluju od zarazne bolesti izazvane koronavirusom (COVID – 19)**, donese odluka o izboru ponuđača i ugovor dodijeli dobavljaču za MEDIT d.o.o Sarajevo sa slijedećim elementima:

višeslojni CT aparata (1 kom) – CANON-AQUILION LIGHTNING za potrebe privremenog izolatorija KCUS-a

Ukupna vrijednost: 498.022,87 KM + PDV 84.663,89 KM = 582.686,76 KM sa PDV-om

Garancija: 12 mjeseci

Uslovi plaćanja: 30% avans ostatak u roku 45 dana od potpisivanja zapisnika o primopredaji i ispostavljanju računa

Rok isporuke: 7 (sedam) dana od dana potpisivanja ugovora, izdavanja narudžbenice i uplate avansa

Rok montaže i puštanje u rad: 7 (sedam) dana

Edukacija: 3 dana

Prijedlog Komisije je prihvaćen i donosi se odluka kao u dispozitivu.



GENERALNA DIREKTORICA

Prof.dr. Sebilja Izetbegović

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđaču;
- Tehnički sektor
- a/a KCUS